

中國方志叢書·華北地方·第三五號

據 民國謝錫文等修許宗海等纂
民國二十三年鉛本 影印


山東省

夏津縣志續編

(一)

sk40/08

成文出版社印行



10107719

中國方志叢書·華北地方·第三五號

據 民國謝錫文等修許宗海等纂 影印
民國二十三年鉛本

山東省

夏津縣志續編

(二)

成文出版社印行

Sk 40/08



10107720

中華民國五十七年三月壹一版

夏津縣志續編

全二冊

定價：新台幣八〇〇元正

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇五號
電話：九二二〇一〇號

印刷者：正大印製廠

三重市長生街二號之一

內政部登記證內版臺業字第一一四七號

版權所有

中華民國廿三年十一月

學津東齋續編

許宗海題淺

東岱

夏津縣志續編序

守土之職親民之職也守斯土蒞斯民而政事卽經緯其間焉使無書以志之將問土地不知問人民不知政事奚從而出乎甚矣志書者考古證今之鑑而從政者不容或缺者也前任膠時志稿適脫爲總其成而刊之矣壬申二月承乏夏津甫下車首取志乘閱之書爲前令方君松台所手訂爲目凡十蓋取班氏十志之義曰疆域曰建置輻員明而封守辨矣曰食貨曰人物戶口定而階級分矣職官者治此者也選舉者輔治者也若學校若典禮若藝文與雜志皆黼黻休明發爲治術而考鏡其得失者也以淵博之學問爲一邑之典章洵後人所宜法守矣惟書成於清乾隆距今百九十餘歲其間方輿之隸屬人事之變遷政治之興

佚無考者固多宜革宜增者亦復不少自道光迄今官紳屢

修終未成書

余倡此議欲事編纂奈萑苻徧地急籌治安軍

餽羽書旁午每計及此而未暇也茲者天庥滋至地方肅清百穀
順成人民樂業可以從事編纂矣而揆時度勢蓋有二難以二百
年散亂凋零之故實一旦發潛閭幽菟釐條貫以成一邑巨觀此
鉤稽之難也況風鶴頻驚之餘嗷鴻聲息之始今雖物阜民康而
凋敝餘生瘡痍未復羅掘已窮籌備無術此經濟之難也如所謂
設局分股動輒萬金徒嘆望洋耳幸得諸君簡修之議採訪則委
區域編輯則聘邑紳義務所關各盡天職自客歲八月開纂甫歲
餘而稿已成舉二百年廢隳之事蹟乃能條分縷析綱舉目張又
以潮流所趨勢所必遵以舊目爲綱以新政爲的務期略於古而

宜於今以臻完璧非諸君苦心孤詣能如是尅期蕙事乎既竣咸
稱_余功因不禁慙然有感矣忝綰夏篆于今三年回首三年中賴
上鋒力詰姦除醜與吾民共享承平其他興學化俗能與古人媿
美乎家給人足能使吾民遂生乎力所不能爲勢所不及爲者纍
纍也幸賴諸君和衷共濟襄成盛舉俾二百年文獻不致湮沒用
副上憲勤求之意_余心藉以稍慰耳茲將付印爲序其緣起於簡
端民國二十三年十一月夏津縣長德縣謝錫文譔

夏浦県志系



卷一

夏津縣志續編序

邑何志紀實也意以達言以雅乃實而文矣往昔一人一物一言一事無無有有自有真相有而無之無而有之非缺則濫惡乎實卽實矣語焉而不能達達焉而不能雅則又類穉兒之學語村夫之叟辨見者將笑而置之矣此古人所以有修辭立誠言文行遠之說與吾邑志乘失修將二百載書缺有間矣斷簡零編蒐集匪易而故老傳聞又恐荒渺難稽將欲信之惡知不有所疑耶將欲疑之惡知不有所信耶茲以數百年可信可疑之事歸而求之於一鄉一家一人之中又復聚多數聞見不同意趣不一之人僅據旦夕訪聞閉於一門而嚮壁分造其未合者蓋多矣吁哉修志之難也况值今民邦肇造國體劇更爲吾國數千年未有之創

非尋常變易可比宜於古者不必宜於今宜於後者不必宜於前
欲趨時耶一啓口而新辭駢至一握管而纖語互集名實乖錯前
人其肯恕我乎將守古耶則又臭腐連編迷妄雜陳是猶持古代
冠履強加諸時裝者頭足之上豈止騰笑於今人抑且貽後世以
話柄矣吁哉修志之果難也客秋修志會成立縣長謝公汲汲焉
提倡於上而邑中諸先進又復殫精瘁力費年餘之光陰始行脫
稿竊謂已得其實矣已達且雅矣不才如瀛寧敢妄參末議惟蒙
縣長不棄諄諄以校事相囑違命則不恭念分內事推委焉又不
忍爰於假歸餘暇取各稿本一一閱讀敢卽闕者補之繁者刪之
辭意有未貫者則酌易之事例有不合者則慎移之倘能實者更
實達而雅者愈臻於完善是乃余之私願而亦先進諸公所幸功

成一簣者也雖然其亦奚敢自信哉書成謹贅數語以誌顛末願
質之邦人君子並以待証於將來

民國二十三年十一月邑人范步瀛謹識

夏津縣志續編序

民國癸酉縣長謝公任夏之次年因匪難底定

年來匪患頻仍一切政務妨礙進行謝縣長費年餘

力始獲
勦平之

亟亟以提倡文化爲首務縣志一書乃一縣文獻之所寄也

遂於縣務會議中提出修志案得獲通過按夏志自清乾隆初邑宰方公以舊志簡缺不完重修一次計今百九十三年雖邑人屢議續修部省各方函電索取亦數數飭修非阻於籌款無著卽阻於不能取得一黨一派之同意致議而不能決決而不能行殆數十年於茲矣今幸我謝縣長力排衆難出以熱心持以果力不取用地方公款分毫妥籌及獎輸得洋千數百元於八月初成立續修縣志委員會並延邑同人許君岱東主編纂事銘以倦游家居亦獲濫竽充數竊維如銘枵腹尤東西奔走筆墨久荒而欲於上

下百數十年間網羅舊聞跂踵前美豈非憂乎其難兼之潮流所趨國人文白之爭方興未艾勢須變更體例採取語文方不失卻時代性新舊紛呶無所適從則尤難乎其難乃躊躇再四詳慎商討終以志者史之流亞也歷代志乘前師具在而此次編訂例目又半沿襲前志故取名續修若必斤斤於時代嬗變力爭新奇恐後之人或執司馬公所謂文不雅馴晉紳先生難言之相予責難矣將何辭以解因不避頭腦陳舊之嫌隨筆撰次只取記載一時代事事物物治亂興衰及今昔遞嬗之迹爲吾邑留一印相藉使吾鄉賢達名媛烈婦不隨荒烟蔓草同歸湮滅以仰副我謝縣長主持修志初旨此則黽勉從事之微衷也其能否贍時人之望不復計及云再據恩志凡例修志一事應以三十年爲限續修一次

庶不至採錄困難貽誤掛漏誠哉斯言茲後數十年安得再有如
我謝縣長其人者出俾吾夏志書得以接次續修免蹈今日覆轍
則且跂予望之矣是爲序

民國二十三年十一月邑人劉其鎔謹識

夏津縣志

卷三

七

夏津縣志續編序

縣之有志猶國之有史也規模之廣狹雖殊而體例之謹嚴則一昔孔子因魯史以作春秋筆削去取寓褒貶於一字垂法戒於百王魯之有信史實自孔子始矣後世不察輒詆爲斷爛朝報而春秋不列於講筵噫何其誣聖之甚也夫縣者國家之一份子就一國言則必以縣爲單位縣雖小必有禮樂焉必有兵農焉必有教化刑政焉歷年既遠如欲循流以溯源不至數典而忘祖則徵文考獻足爲一縣之掌故者端爲志書是賴矣志之有益於一縣所係豈淺鮮哉吾縣志書自松台方公成於乾隆六年以後屢議修舉而未果迄今垂二百年矣其間風俗之變遷政教之得失治亂之循環人事之淳澆以及利弊之沿襲與改革夏雖僻壤亦必隨